

Umiatsiaararsorlutik aalisartut saarullinnik bundgarn-inik pisarineqartunik pisarineqareerlutik aniseqqinneqartut annertussusaat pillugit nalunaaruteqartarnissaat, kiisalu nalunaarutigineqartut Pinngortitalerfimmu atugassannngortinneqarnissaat qulakkeerniarlugu Naalakkersuisut suliniuteqarnissamik peqquneqarnissaat pillugu Inatsisartut aalajangiiffissaattut siunnersuut.

(Inatsisartunut ilaasortaqaq Hans Aronsen, Inuit Ataqatigiit)

Akissuteqaat

(Aalisarnermut Piniarnermullu Naalakkersuisoq, Karl-Kristian Kruse)

1. Siullermeerneqarnera

Inatsisartut aalajangiiffigisassaattut siunnersuut Inatsisartunut ilaasortamit Hans Aronsenimit, Inuit Ataqatigiit, saqqummiunneqartut Naalakkersuisut soqutiginarillugu oqaluuseraat.

Aalisarnermut tunngatillugu sapinngisamik ilisimatuussutsikkut paasisimasaqarlualernissaq kikkut tamarmik kissaatigisaraat. Suliniuteqartoqalissagaluarpas tassannga paasisat allaffissornikkut qanoq annertutigisumik sulinermik kinguneqarsinnaanersoq paasiniaqqissaartariaqarpoq. Pinngortitaleriffiup sulineratigut saarullinniartoqarneranut ilisimatuussutsikkut paasisaqaangaatsiareerpugut.

Pinngortitaleriffiup ukiut tamaasa sinerissap qanittuani qanoq saarulleqartiginersoq paasiniaartarpaa, angalanernilu qanoq saarulleqartiginera, utoqqaassutsit angissutsillu misissuiffigineqartarlutik. Peqatigalugu PI ukiumoortumik misiligutissatut uuttuinermik amerlasuunik kater-sisarpoq, tassanissaq saarullit aalisarnermi nalaanneqartartut qanoq angitiginerisa agguataarneqarsimanerisa naliliivigineqarnissaannut tamakku tunngaviliisartut. Sinerissap qanittuani 2016-imi aningaasarsiutigalugu aalisarnermi saarullit 22.000-it uuttorneqarsimapput, taakkulu avannamut Upernavimmiit Kujataanut agguataarput.

Tamatuma saniatigut siunnersuut saqqummiunneqartoq allaffissornikkut suliasaqarneruler-nermik pilersitsisussaavoq. Siunnersuut manna aqutigalugu ilisimasat nutaat pissarsiarineqarsinnaasut allaffissornikkut suliasaqarnerulernernut iluaqutaasussatut nalilerneqanngillat.

Suliniullu taamaattoq ingerlanneqassappat kattuffiit attuumassuteqartut Pinngortitaleriffiullu isumasiornissaat pisariaqassaaq.

Qulaani pineqartut tunngavigalugit siunnersuut Naalakkersuisut akuerinngilaat.